

REFERAT SAA- Sanarfinermut Avatangiisinullu Ataatsimiititaq d. 03-06-2019

Mødedato Mandag d. 03. juni 2019 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut aammalu Kommunalbestyr	8
Aqqaluup Aneerasaartarfia.....	9
Qernertunnguani Saunamik atisanillu taarsiisarfirmik sananeq.....	13
Kommunimut pilersaarummut tapiliussassatut siunnersuut 1C6-2, Nuummi Naasuerniarfiusimasup	16
Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk.....	20
Kommunimut pilersaarummut tapiliussassatut siunnersuut 1C35-2 Peqqissaavik Nuuk.....	24
Taasariaqartut allat.....	28
Suliat matoqqasut.....	29
Imaqarniliap akuerineqarnera.....	30

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Taunâjik (S)

Beslutning

Justus Hansen (D) aamma Laura Taunâjik (S) najuupput.

Oqarasuaatikkut peqataavoq: Harald Bianco (IA), Charlotte Pike (IA) aamma Mala Høy-Kúko (S).

Punkt 1: Oqaluuserisassat akuersissutigineqarneri

Beslutning

Oqaluuserisassat allannguutaalu akuerineqarput.

Punkt 2: Nalunaarutit

2a. Siulittaasup nalunaarutai

Beslutning

2a. Soqanngilaq.

Punkt 3: Ilisimatitsissutit

Soqanngilaq.

Beslutning

Soqanngilaq.

Punkt 4: Aalajangiiffigisassat

Soqanngilaq.

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut aammalu Kommunalbestyrelsimut ingerlateqqitassat**

Punkt 05A: Aqqaluup Aneersaartarfia

Beslutning

Innersuussutigineqartut akuersissutigalugit.

Bilag

1 DK KAL.docx

Aqqaluup Aneerasaartarfia

Aqqaluup aneerasaartarfianut tamakkiisumik pilersaarutip suliarineqarnera pillugu ilisimatitsissut

Ilisimatitsissut

J.nr.: 16.04-P20-2-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummi Sermersooq2028-imi Aqqaluup Aneerasaartarfia Nuup illoqarfiata qeqqani sammineqartussatut toqqarneqarnikuuvoq. Tamanna tunngavigalugu ingerlatsiviup sumiiffik tamanna pillugu tamakkiisumik pilersaarut ingerlatsiviup aallartippaa.

Tamakkiisumik pilersaarutip suliarinerani atuisut assigiinngitsut qanimut attavigineqartassapput, taamaasilluni pilersaarut najukkami sunnuteqaqataaffigalugu piginneqataaffigineqarnissaa qulakkeerneqassammat. Tamatuma saniatigut suliap ingerlanerani Holmit Illuata kommunimit pigineqartup qanoq pineqarnissaa pillugu innersuussuteqartoqarumaarpoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigivaa:

- ilisimatitsissut ataatsimiititamit tusaatissatut tiguneqassasoq aamma
- ilisimatitsissut Aningaasaqarnermut Inuusutissarsionermullu Ataatsimiititamut ilisimatitsissutitut ataatsimiititamit ingerlateqqinneqassasoq, kingornalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Kommunimut pilersaarummi Sermersooq2028-imi Aqqaluup Aneerasaartarfia Nuup illoqarfiata qeqqani sammineqartussatut toqqarneqarnikuuvoq. Tamanna tunngavigalugu ingerlatsiviup sumiiffik tamanna pillugu tamakkiisumik pilersaarut ingerlatsiviup aallartippaa. Sumiiffik kateriffiusarpoq qorsortalik, Imaneq aamma Nuutoqqap akornanni kulturikkut ataqatigiissitsiffik, inuillu assigiinngitsorpasuit tamaani siunertanut assigiinngitsunut aaqqissuussisarput, ukioq kaajallallugu piffissani assigiinngitsuni.

Kateriffiusartup aneerasaartarfittut nutarterneratigut taaguuteqalersinneratigullu illoqarfimmi innuttaasunut takornarianullu annertuumik nuannaarutaalersissavaa. Aneerasaartarfiup ineriartortinneqarnissaa aamma Imaneq pisuinnarnut aqqutinngortinnissaanut sulianut maannakkut ingerlanneqartunut attuumassuteqartinneqassaaq aammalu illoqarfiup qeqqata kiisalu Nuummi Nuutoqqami oqaluttuarisaanermut tunngassuteqartut akornanniittut ataqatigiissinneqarnissaat.

Tamakkiisumik pilersaarummi aamma siunnersuutigineqassaaq, kommunip illuutaa - Holmit Illuat - qanoq pineqassanersoq pillugu.

Tamakkiisumik pilersaarutip suliarinerani atuisut assigiinngitsut qanimut attavigineqartassapput, taamaasilluni suliap ingerlaneranut siunissamilu suliarineqartussap najukkami sunnuteqaqataaffigalugu piginneqataaffigineqarnissaa qulakkeerneqassammat. Tamatuma

saniatigut Sanarfinermut Avatangiisinullu Ataatsimiititaq suliap ingerlanera kingusinnerusukkut peqataatinneqarumaarpoq.

Aaqqiissutissatut siunnersuut – suliatigut naliliineq

Ingerlatsiviup nalilerpaa, sumiiffimmut tamakkiisumik pilersaarut, pitsanngorsaattissatut suliassanik aammalu aserfallatsaaliornissamut pilersaarummik imaqarumaartoq. Imaappoq, sumiiffik illoqarfimmi innuttaasunut tikeraanullu nutaamik pingaaruteqalerlunilu naleqarnerulersinneqassaaq.

Holmit Illuat asseqanngitsumik inissisimaffeqarpoq, pingaaruteqarporlu, tamakkiisumik pilersaarummi illup siunissaa nassuiaateqarfigineqassasoq, taamaasilluni illu siunissamilu atorineqarnissaa aneerasaartarfimmut attumassuteqarlualersinneqarniassammat.

Tamakkiisumik pilersaarummi aallaavigineqassaaq nuannersunik issiaartarfeqalersinnissaa, avatangiisinut ataqatigiissinnissaa, aammalu naatitsiviunissaanut pitsanngorsaasoqarnissaa. Aamma imeq aneerasaartarfiuneranut pingaaruteqartunut ilaatinneqassaaq.

Aningaasatigut sulisoqarnikkullu naliliinerit

Sanaartugassanut missingersuutitut Aqqaluup aneerasaartarfianut 4 mio-it aningaasaliissutigineqarput, aamma taakkununnga ilaapput Holmit Illuat taavalu B 510.

Inatsisitigut tunngavissaq allakkallu tunngaviusumik uppermarsaatitallit

Kommunip takorluugaa pingaarnertullu ilusissaani Aqqaluup aneerasaartarfianut anguniakkanik arlalinnik aalajangersaaffiupput.

http://sermersooq2028.gl/dk/vision_og_hovedstruktur/nuuk/fokusomraader_i_midtbyen/aqqaluks_park.htm

Ingerlariaqqinnissaq

Ingerlariaqqinnissamut tunngasut lanngussaq 1-mi takuneqarsinnaapput.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Imaattumik workshoppertitsisoqarnissaa pilersaarutigineqarpoq:

Ulloq 7 maj fritidshjemmet Aqqaluk Workshoppeqatigalugu, meeqqat sunik eqqarsaateqarpat sunillu takorluugaqarpat?

Ulloq 27 maj Sumiiffimmi soqutigisallit, eqqaamiut suliffeqarfiillu

Tamatuma saniatigut ataasimiinnerit/workshoppillu Utoqqaat Illuat aamma Sanarfinermut Avatangiisinullu Ataatsimiititaq peqatigalugit.

Pilersaarut suliarineqareerpat politikikkut akuersissutigineqassaaq, tassungalu atatillugu ingerlatsiviup aamma tamanut saqqummersinneqarnissaa eqqarsaatigaa. Suliap ingerlanissaa ilanngussaq 1-imi takuuk.

Ingerlatsivinnit allaniit oqaaseqaatit
Soqanngilaq

Ilanngussat

1. Ilanngussat

Punkt 05B: Qernertunnguani Saunamik atisanillu taarsiisarfimmik sananeq

Beslutning

Innersuussutigineqartut akuersissutigalugit.

Justus Hansen (D): Piffissami killilimmi nunaminertamik atugassiisoqarsimasoq erseqqissaatigissallugu pingaaruteqarpoq.

Bilag

1 - Kortbilag.docx

2 - Projekttegninger.pdf

Qernertunnguani Saunamik atisanillu taarsiisarfimmik sananeq

Ilisimatitsissut

J.nr.: 18.01.02-G01-348-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen, hhwj

Suliassamik eqikkaaneq

Sanarfinermut Avatangiisinullu ingerlatsivimmit ilisimatitsissutigineqarpoq Qernertunnguit eqqaanni qeqertami (tak. ilanng. 1) Qasigiannuguit eqqaanniittumi saunamik atisanillu taarsiisarfimmik sananissamut piffissaq killiligaasumi nunaminertamik sanaartorfissamik atugassiisoqarsimasoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigivaa:

- ilisimatitsissut ataatsimiititamit tusaatissatut tiguneqassasoq aamma
- ilisimatitsissut Aningaasaqarnermut Inuussutissarsiornermullu Ataatsimiititamut ilisimatitsissutitut ataatsimiititamit ingerlateqqinneqassasoq, kingornalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Ukiuunerani nalunnguarumatuut ulloq apriliip 14-at 2019 nunaminertamik saunamik atisanillu taarsiisarfimmik sananissamut atuisinnaanermut piffissaa killiligaasumik qinnuteqaateqarsimapput Nuummi Qenertunnguit avannaatungaanni qeqertami Qasigiannuguit eqqaanniittumi.

Qinnuteqaatigineqartoq kommunimut pilersaaruteqarfiusumi 3D5-imiippoq. Sumiiffik sanaartorfioqqusaanngilaq periarfissaqarlunili sukisaarsarnermut siunertaqartunik sanaartorfineqarsinnaasutut.

Sanaartugassaapput saunaliassaq atisanillu taarsiisarfii marluk. Sanaartugassat pingasuusut nunamut kappussanik toqqaveqartinneqassapput qasertoq taartumik qisuusumik qalliateqartussaallutik, takuuk titartagaq nunallu assinga ilanngussat.

Nunaminertamik atugassiineq ukiuni marlunni atuutsinneqassaaq, taassuma kingorna sivitsorneqarnissaanut qinnuteqartoqarsinnaaluni.

Aaqqiissutissatut siunnersuut – suliatigut naliliineq

Ingerlatsivimmit nalilerneqarpoq sauna- aamma atisanik taarsiisarfimmik sanaartorsinnaanermik periarfissaqarneq Qasigiannuguit eqqaanni inuummarissaataassasoq sumiiffiullu sukisaarsartarfittut atorneqarnissaa pitsaasuussasoq, misigisassanulu nutaanut ilapittuutaajumaartoq.

Saunamik atisanillu taarsiisarfimmik sanaartorneq aamma illoqarfimmi ukiuunerani nalunnguarumatuunut periarfissiillualissaaq aammalu piumasut misileraasinnaalissapput.

Immikkut ittumik piumasaqaatit tulluuttut tunngavigalugit nunaminertamik atugassiisoqarpoq:

- Silataasa sanaartorneri qisummik qaliaalu qalissiarsuarmik qalliuserneqassapput.
- Saunamik atisanillu taarsiisarfimmik atuinerit illuutit eqqaanniittut biilnut unittarfutaannut artukkiissanngillaq.
- Sumiiffik tamanit tikinneqarsinnaassaaq aammalu assersorneqassanani.
- Eqqakkat Kommunip Eqqakkanik tigooraavia isumaqatigalugu pissapput sumiiffimmilu uninngateqqusaanngillat.
- Nunaminertamik atugassiineq qaammatinik marlunnik sivisussusilimmik ilisimatitseqqaarluni unitsinneqarsinnaavoq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Nunaminertaq pilersaaruteqarfiusoq: 3D5, Qasigiannuguit eqqaanni sanaartorfioqqusaanngitsaq.

Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-imeersoq.

Sermersooq2024.gl (Kommunimut pilersaarut)

Illuliortaatsimut politikki 2016

Ingerlariaqqinnissaq

Sanaartornerup aallartinnginnerani Sanaartornermut oqartussaqqarfik qinnuteqqarfigineqqaassaqaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaaqatigiinneq

Sanaartugassat sanaartukkanit allanit ungasiartumiinnerat pissutigalugu nunaminertamillu atugassiineq ataavartussaangimmat eqqaamiunik tusarniaanissaq pisariaqanngilaq.

Ingerlatsivinniit allaniit oqaaseqaatit

Ingerlatsivinnit allanit oqaaseqartitsisoqarsimanngilaq

Ilanngussat

1. Nunap assinga ilanngussaq
2. Suliniutip titartagartai

Punkt 05C: Kommunitut pilersaarummut tapiliussassatut siunnersuut 1C6-2, Nuummi Naasuerniarfiusimasup nunataa

Beslutning

Innersuussutigineqartut akuersissutigalugit.

Bilag

KPT 1C6-2 FORSLAG KAL.pdf

Kommunimut pilersaarummut tapiliussassatut siunnersuut 1C6-2, Nuummi Naasuerniarfiusimasup nunataa

Aalajangiiffigisassaq

J.nr.: 16.03.01.01-P16-17-18

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuummi 1C6-2-mi siunertarineqarpoq immikkoortup ilaani pioreersumi tamakkiisumik pilersitsisoqarnissaa. Tamaani nutaanik inissialiortiternissamut periarfissiisoqassaaq, ataatsimoorfiusartussanik pisiniarfinnillu ilallugit.

Nutaamik sanaartorneqarsinnaasut ilagaat inuussutissarsiutit mingutsitsisuuffiunngitsut, eqqumiitsuliortut sullivii, café, pisiniarfiit assigisaallu, inissiat akornanni. Atuuffiit assigiinngitsuunerisigut illoqarfiup ilaa uummaarissoq pilersinneqassaaq ulloq unnuarlu atuuffiusinnaasooq, toqqissisimanermut attuumassuteqarnermullu ikorfartuisooq, peqatigitillugulu illoqarfiup ilaanik eqeersimaarfiusumik illumi ataatsimoorfiit atorluarnerisigut pilersitsisoqarsinnaalluni.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititaliamut inassuteqaatigaa:

- Kommunimut pilersaarummut tapiliussassatut siunnersuut 1C6-2 Naasuerniarfiusimasup nunataa, Nuukullak, Nuuk akuersissutigineqassasooq
- siunnersuut akuersissutigineqartoq akuerisassanngorlugu sap.ak. -nilu arfinilinni tusarniutigisassanngorlugu Aningaasaqarnermut Inuussutissarsiornermullu Ataatsimiititaliamut ingerlateqqinneqassasooq.
- tamatumalu kingornatigut Aningaasaqarnermut Inuussutissarsiornermullu Ataatsimiititaliap suliaq kommunalbestyrelsimut ilisimatitsissutitut ingerlateqqissagaa.

Suliassamik saqqummiussineq

Kommunimut pilersaarummut tapiliussassatut siunnersuummi 1C6-2-mi siunertarineqarpoq iimmikkoortup ilaani 1C6-imi pioreersumi immikkoortumik tamakkiisumik E-mik pilersitsisoqarnissaa. Tamaani illoqarfiup qeqqanut qanittunik inissialiortitertoqassaaq, ataatsimoorfissaliortoqarluni, inuussutissarsiorfinnik pisiniarfinnillu sanaartortoqassaaq.

Kommunimut pilersaarummut tapiliussassatut siunnersuummi sumiiffiup C-tut immikkoortinneqarnera (ataatsimoorfissatut), aammalu tamassuma Nuup illoqarfittut ineriartortinneqarnissaanut pingaaruteqarnera aalajangiusimaneqarpoq. Imaappoq, sumiiffik tamanna ukiuni arlalinni suliffissuaqarfioreerluni suliffeqarfinnik, inissianik sulisoqarfinnillu mingutsitsiffiunngitsunik assigiinngitsunik pilersitsiffiulersinnaassaaq.

Siunnersuummi naasuerniarfiusimasup nunataani sanaartorfissamik nutaamik pilersitsisoqarnissaa siunnersuutigineqarpoq, naasuerniarfiusimasorlu peerneqareernikuulluni.

Sumiiffimmi pilersaaruseriusumi quleriit tallimat tikillugit portussusilinnik illuliortoqarsinnaavoq, inini allerni qiterisaqarfeqarluni ininilu qullerni inissiaqarluni. Illuliani nutaani suliffeqarfinnik mikinerusunik aallartitsiffiusinnaasunik initaqassaaq, ininilu allerni suliffeqarfiit ingerlanneqareersut periarfissaqartinneqassallutik. Atuuffiit assigiinngisitaarnerisigut illoqarfiup ilaa tamanna ulloq unnuarlu uummaarissuutinneqassaaq, toqqissisimanermik attuumassuteqarnermillu ikorfartoqarluni. Taamaattumik suliffeqarfiit mingutsitsiffiunngitsut, eqqumiitsuliortut sullivii, café, pisiniarfiit assigisaallu, inissiat nutaat ilanngullugit, illoqarfiup ilaani uummaarissumik toqqammaviliissapput illorsuarmi ataatsimoorfiusinnaasut ilanngullugit.

Aaqqiissutissatut siunnersuut – suliatiqut naliliineq

Ingerlatsiviup nalilerpaa, pilersaarummut tapiliussassatut siunnersuut sumiiffimmi illoqarfiup ineriartortinneqarnissaanik kissaateqarnermut pitsaasumik immersueqataaffiussasoq. Inissianik pitsaasunik pilersitsisoqarsinnaavoq illoqarfimmut qanittumiittunik, kiisalu inuussutissarsiorfeqalernissaanut periarfissiisoqassalluni, sumiiffiup tamakkiisumik ineriartortinneqarnissaanut kivitseqataaffiusinnaasunik. Kommunitumut pilersaarummut tapiliussassatut siunnersuut Illuliortaatsimut politikkitimi malittarisassatut oqaasertaliunneqartunut naapertuuppoq, tassani pingaartinneqarmat inissianik pitsaasunik qaamanermik atorluaaffiusunik pilersitsisoqassasoq silataanut aqutissagissaartunik.

Aningaasatigut sulisoqarnikkullu naliliinerit

Kommunitumut pilersaarummut tapiliussap suliarineqarnera immini aningaasatigut kingunerisassaqaqngilaq.

Inatsisitigut tunngavissaq allakkallu tunngaviusumik uppermarsaatitallit

Pilersaaruserioq aamma nunaminertat atorineqartarneri pillugit Inatsisartut inatsisaat nr. 17 ulloq 17. november 2010-imeersoq aamma Inatsisartut inatsisaat nr. 34 9 decembari 2015-imeersoq Kommunitumut pilersaarut internetsimiittoq www.sermersooq2028.gl

Ingerlariaqqinnissaq

Kommunitumut pilersaarummut tapiliussassatut siunnersuut sapaatip akunnerini 8-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq. Piffissaq tusarniaaffigineqartoq qaangiuppat tusarniaanermi akissuteqaatit suliarineqassapput politikikkullu suliarineqaqqittussanngorlugu ingerlateqqinneqassaaq inaarutaasumik akuersissutigineqarnissaa siunertaralugu.

Aningaasaqarnermut Allatseqarfimmit oqaaseqaatit

Soqaqngilaq

Innuttaasunik peqataatsineq/attaveqaqatigiinneq

Kommunimut pilersaarummut tapiliussassatut siunnersuut sapaatip akunnerini 8-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Ingerlatsivinniit allaniit oqaaseqaatit

Soqanngilaq

Ilanngussat

1. Kommunimut pilersaarummut tapiliussamut siunnersuut 1C6-2 Naasuerniarfiusimasup nunataa, Nuukullak, Nuuk

Punkt 05D: Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk

Beslutning

Innersuussutigineqartut akuersissutigalugit.

Bilag

Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk.pdf

Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk

Aalajangiiffigisassaq

J.nr.: 16.03-P20-5-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuut 1C4-3 immikkoortup ilaata 1C4-p eqiteriffiginissaanut periarfissaqalissaaq, sisamanik quleriilinnik illorsualiortoqarsinnaalluni. Immikkoortoq tamanna qiterisaqarfittut aalajangiusimaneqassaaq, tamaani illorsuit initaat allit illoqarfiup tungaanut sammissapput qiterisaqarfiit aqqusaarlugit igalaavilu ersarissuussallutik. Siunnersuummi immikkoortoq tamakkiisoq I-imi aalajangersakkat nutaat nassuiaasersorneqarput aammalu immikkoortoq III-mi aalajangersakkat atuutilersinneqarlutik, kommunimut pilersaarummut tapiliussami 1C4-2-mi atuuttumi nassuiaatigineqarsimasut. Kommunimut pilersaarummut tapiliussap 1C4-3-p taamaasilluni kommunimut pilersaarummut tapiliussaq 1C4-2 taarsissavaa.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigivaa:

- Kommunimut pilersaarummut tapiliussassatut siunnersuut 1C4-3 Sipisaq Avannarleq, Nuuk akuersissutigineqassasoq
- siunnersuut akuersissutigineqartoq akuerisassanngorlugu sap.ak. -nilu arfinilinni tusarniutigisassanngorlugu Aningaasaqarnermut Inuussutissarsiornermullu Ataatsimiititamut ingerlateqqinneqassasoq.
- tamatumalu kingornatigut Aningaasaqarnermut Inuussutissarsiornermullu Ataatsimiititaliap suliaq kommunalbestyrelsimut ilisimatitsissutitut ingerlateqqissagaa.

Suliassamik saqqummiussineq

Nuup alliarturnera ilutigalugu inissiaqarfiit eqiternissaannut pisariaqartitsineq annertusiartorpoq, kiisalu sukisaarsarfiit aqqaasa illoqarfiullu immikkoortuini illoqannginnersat illoqarfiup innuttaanut tikeraavinullu nuannaarutaasussamik qulakkeerneqarnissaat pitsanngorsarnissaallu pisariaqarluni.

Sanaartorfissaq B-299-p illoqarfiup ineriartortinnissaanut atatillugu ingerlatsivik kommunimut pilersaarummut tapiliussassatut siunnersuut 1C4 suliarivaa. Taamaasilluni sumiiffiup siunissami qiterisaqarfittut ineriartortinnissaa nassuiaatitalerneqarpoq. Ineriartortitsineq pissaaq kommunip Illuliortaatsimut politikkaa aammalu kommunimut pilersaarut Sermersooq 2028 aallaavigalugit.

Kommunimut pilersaarummut tapiliussassatut siunnersuummi 1C4-3-mi immikkoortumi tamakkiisumi I-imi aalajangersakkat sukumiisumik nassuiaatigineqarput, taakkua kommunimut pilersaarummut tapiliussami atuuttumi 1C4-2-mi taamaallaat immikkoortumut tamakkiisumut III-mut sukumiisumik aalajangersakkat nassuiaatigineqarlutik. Sanaartorfissat nutaat 9-t

atugassiissutigineqarput tassani sanaartorfissat 1-6 immikkoortumi tamakkiisumi I-imi inissisimallutik taavalu sanaartorfissat 7-9 immikkoortumi pingaarnermi III-mi inissisimallutik.

Sanaartorfissani nunaminertamik atuinissamik akuersissutit pioreersut annikitsunik allilernissaat periarfissaqassaaq, peqatigitillugulu portussutsikkut eqiterisoqarnissaanut periarfissaqalissalluni, taamaasilluni illorsuaq Aqqusinersuup tungaanut sisamanik quleriilik sananeqarsinnaassalluni. Aqqusinersuaq sinerlugu tamanit aqputigineqartarnissaa nukittorsarniarlugu inini allerni inissianik sanaartortoqassanngilaq, aammalu inini allerni iikkat 50 %-ii igalaatut suliarineqassallutik.

Siunnersuummi aalajangiusimaneqarpoq, immikkoortumi pingaarnermi II-mi illorsuit marlunnik quleriillit tikillugit sananeqarsinnaasut, Noorlernut aamma Sipisaq Avannarlermut tungaanut ilaqutariit illuinut pukkinerusunut killeqarfilerlugu.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa kommunimut pilersaarummut tapiliussassatut siunnersuutip sumiiffiup siunissami qiterisaqarfittut ineriartortinneqarnissaa qulakkiissagaa, sumiiffimmi atuuffiit aallaavigalugit. Akunnittarfissap HHE Express-ip maannakkut sananeqarneratigut, siunnersuummi periarfissiissutigineqartutut Aqqusinersuup tungaanut eqiterisoqalissaaq.

Eqiterinermi Aqqusinersuup tungaanut aqput ataqatigiinnerulissaaq, illup saqqai soqutiginaartut aammalu pisuinnarnut pitsaasunik aqquteqalersitsinissaaq. Peqatigitillugu kujammut illut pukkiartortinneqassapput, taamaasilluni ulluklut illorsuarni taakkulu silataanni qaamaneqarluarniassamat. Kujammut illut pukkiartortinnerisigut Noorlernut Sipisaq Avannarlemullu illut sinerlugit ataqatigiinnerulertoqassaaq. Taamaasilluni aamma Aqqusinersuarmi aammalu "Titarneq Oqaluttuarisaanermut Attuumassutilik"-mi takusassat ersarissarnissaat kiisalu Nuup nangittumik ineriartortinneqarnissaanut ataatsimoortunik portusuunik illuliorqarsinnaanissaanut pilersitsinissaaq siunniunneqarluni.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immini aningaasatigut kingunerisassaqaanngilaq.

Inatsisitigut tunngavissaaq allakkallu tunngaviusumik uppemarsaatitallit

Pilersaarusionerq aamma nunaminertat atorneqartarneri pillugit Inatsisartut inatsisaat nr. 17 ulloq 17. november 2010-imeersoq aamma

Inatsisartut inatsisaat nr. 34, 9. decembari 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaaq

Pilersaarutissatut siunnersuut sapaatit-akunnerini arfineq-pingasuni piffissami 10.7.2019 – 04.9.2019 akornanni tamanut tusarniaassutigineqarnissaa naatsorsuutigineqarpoq.

Tusarniaassummut akissuteqarnissamut killiliussaaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma

Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Sanaartorfissap B-299-p NIVI eqqaani nutaamik illuliortoqarnissaa pillugu soqutigisalinnut ataatsimiititsisoqarnikuuvoq, tasanilu suliassaq eqqartorneqarluni.

Tamanut tusarniaassutigineqarnissaa Nuuk ugeaviisikkut nalunaarutigineqassaaq, siunnersuullu kommunip tusarniaanermut isaaffiatigut pissarsiarineqarsinnaalissalluni.

Ingerlatsivinniit allaniit oqaaseqaatit

Soqanngilaq

Ilanngussat

1. Kommunimut pilersaarummut tapiliussassatut siunnersuut 1C4-3 Sipisaaq Avannarleq, Nuuk

Punkt 05E: Kommunimut pilersaarummut tapiliussassatut siunnersuut 1C35-2 Peqqissaavik Nuuk

Beslutning

Innersuussutigineqartut akuersissutigalugit.

Bilag

KPT 1C35-2 FORSLAG KAL.pdf

Kommunimut pilersaarummut tapiliussassatut siunnersuut 1C35-2 Peqqissaavik Nuuk

Aalajangiiffigisassaq

J.nr.: 16.03.01.01-P16-3-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuummi peqqissaavik pisortanit pigineqartoq sananeqarsinnaalissaaq sumiiffimmi C-mi pioreersumi (sumiiffik siunertanut ataatsimoorussassanut), Nuup qiterpasissuani inissisimasussaq. Sumiiffik ullumikkut kommunip qatserisarfiata inissisimaffigaa, siunissami ineriartortitsinissami taassuma nuutinneqarnissaa pisariaqassaaq.

Pilersaarummut siunnersuummi sumiiffik sanaartorfissanut marlunnut agguarneqarpoq, taakkuli ataatsimoortumik sanaffigineqarsinnaalissapput. Sanaartorfissami A-mi pingasunik quleriillit tikillugit sanaartortoqarsinnaavoq taavalu sanaartorfissaq B-mi tallimanik quleriillit tikillugit sanaartortoqarsinnaalluni. Kisialli sanaartugassat ataatsimoortinneqassagaluarpata illut portussusissaat malinneqassapput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigivaa:

- Kommunimut pilersaarummut tapiliussassatut siunnersuut 1C35-2 Peqqissaavik, Nuuk akuersissutigineqassasoq
- siunnersuut akuersissutigineqartoq akuersissanngorlugu sap.ak. -nilu arfinilinni tusarniutigisassanngorlugu Aningaasaqarnermut Inuussutissarsiornermullu Ataatsimiititamut ingerlateqqinneqassasoq.
- tamatumalu kingornatigut Aningaasaqarnermut Inuussutissarsiornermullu Ataatsimiititaliap suliaq kommunalbestyrelsimut ilisimatitsissutitut ingerlateqqissagaa.

Suliassamik saqqummiussineq

Kommunimut pilersaarummut tapiliussassatut siunnersuummi pineqarpoq sumiiffik Nuup qiterpasissuaniittoq, Jagtvejimi illorsuit kitaatungaaniittoq. Ullumikkut tamanna qatserisarfiup inissisimaffigaa, sumiiffiullu ineriartortinneqarnissaanut taanna nuutinneqartariaqassaaq.

Kommunimut pilersaarummut tapiliussassatut siunnersuummi sumiiffiup C-tut tamanit ataatsimoorussiffittut atorineqarnissaa aalajangiusimaneqarpoq, kisiannili peqqissaavimmik pisortanit pigineqartumik sanasoqarnissaa periarfissaalluni, ilisimatusarnermut ilinniartitsinermullu tunngasunik atuuffeqarnissaa ilanngullugu, kiisalu ilisimatuunit, ilinniartitsisunit allanillu tikeraanut inissanik ataasiakkaanik sanasoqarnissaanut periarfissalimmik.

Aaqqiissutissatut siunnersuut – suliatigut naliliineq

Ingerlatsiviup nalilerpaa ineriartortitsinissamik eqqarsaatigineqartoq illoqarfiup ineriartortinneqarnissaanut, tamaani aallartinneqareersumut, naapertuulluartuusoq tassami Qatanngutigiiinguit Pingasut inissiat portusuut maannakkut sanilerisatut sananeqaleruttomata, minnerunngitsumillu kommunimut pilersaarummut tapiliussatut akuerineqareersumut 1C6-1 Nuukullak, illoqarfiup nutarternissaanut periarfissiisumut.

Aammalu sumiiffik Dronning Ingridip Nappasimmavissuanut qanittumiippoq, taamaattumillu pissusissamisuuinnartumik tassunga atassuteqartinneqarsinnaalluni.

Kommunimut pilersaarummut tapiliussassatut siunnersuummi sumiiffik sanaartorfissanut marlunnet agguarneqarpoq, portussutsit assigiinngitsut nassuiaatigineqarlutik, portunerulersinneqarsinnaallutik. – Kujammut kimmur sammernngani Svend Jungep Aqqutaa-ta tungaanut quleriit pingasut tikillugit sanasoqarnissaa siunnersuutigineqarpoq. Avannamut kangimut sammernngani kommunimut pilersaarummut tapiliussassami siunnersuutigineqarpoq, tassani quleriit tallimat tikillugit sanasoqassasoq. Sanaartorfissat marluk ataatsimoortinneqarsinnaapput, taamaasilluni illuliat ataqatigiissunngortinneqassallutik.

Ingerlatsiviup nalilerpaa, illut portussusissaat assigiinngitsut suliarineqarpata illut pissanganartumik isikkullit, illuliortaatsimut politikkimut naapertuuttut sananeqarsinnaalissasut.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immiini aningaasatigut kingunerisassaqaangilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusionerq aamma nunaminertat atorineqartarneri pillugit Inatsisartut inatsisaat nr. 17 ulloq 17. november 2010-imeersoq aamma

Inatsisartut inatsisaat nr. 34 9 decembari 2015-imeersoq

Kommunimut pilersaarut internetsimiittoq www.sermersooq2028.gl

Ingerlariaqqinnissaq

Kommunimut pilersaarummut siunnersuut tamanut tusarniaassutigineqassaaq sap. ak. 6-ni piffissami 10. juli – 21. augusti 2019.

Tusarniaanermut piffissaliunneqartoq qaangiuppat tusarniaanermut akissuteqaatit pissarsiarineqartut suliarineqassapput pilersarutitullu siunnersuut iluarsisuteqarfigineqarluni. Tamanna pereerpat Sanarfinermut Avatangiisinullu Ataatsimiititamat, Aningaasaqarnermut Inuussutissarsionermullu Ataatsimiititamat Kommunalbestyrelsimullu inaarutaasumik akuersissutigineqartussanngorlugu ingerlateqqinneqassaaq.

Aningaasaqarnermut Allatseqarfimmit oqaaseqaatit

Soqaangilaq

Innuttaasunik peqataatsineq/attaveqaqatigiinneq

Siunnersuut sapaatip-akunnerini 6 tamanut tusarniaassutigineqassaaq, tamannalu Nuuk Ugeavisikkut nalunaarutigineqassaaq kiisalu kommunit attaveqaqatigiittarfiisigut, tusarniaanermut isaaffissaq ilanngullugu.

Ingerlatsivinniit allaniit oqaaseqaatit

Soqanngilaq

Ilanngussat

1. Kommunimut pilersaarummut tapiliussassatut siunnersuut 1C35-2

Punkt 6: Taasariaqartut allat

Beslutning

Laura Táunajik (S): Ataatsimiititap angalanissaa pillugu - qinikkatut inuiaqatigiinni allami suliassaqaarnini pillugu peqataanissani naatsorsuutiginnigilaa.

Mala Høy-Kúko (S): Tiilerilaamiissimavoq. Puttasut eqqiarneqarneq ajormata salinneqarneq ajorlutillu atoruminaapput. Kommunimit sulisut salineq ajorlutik ilisimatitsisimapput. Piniartut namminneq salinissaat naatsorsuutigineqarsinnaanngilaq, kaammattuutigineqarporlu ukiorpasuaarni atorneqarsinnaaniassammat nungullarnanilu salinneqartassasoq. Piniartut ilungersunartumik inuuneqarput, tamannalu pillugu naatsorsuutigineqarsinnaanngilaq namminneq aningaasaatiminnik atuissasut. Arlaata akisussaaffik tigusariaqarpaat.

Justus Hansen (D): Innuttaasut akisussaaffik namminneq tigusariaqarpaat iliuuseqarfiginissaalu namminneq akisussaaffigaat, ilumoorinnaanngilaq kommunip akisussaaffiguassagaa.

Punkt 7: Suliati matoqqasut

Soqanngilaq.

Beslutning

Soqanngilaq.

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 13.38